



COLEGIO ARUBANO

R.K SCHOOL VOOR CICLO BASICO,
CICLO AVANSA, V.W.O EN H.A.V.O.
VONDELLAAN 14
TEL. 5822005 / 5822684 / 5831373 / 5828930
FAX: 5832676, ARUBA
E-mail: info@colegioarubano.aw

Na e alumnonan di examenklas y nan
mayornan/ ciudadonan.

Oranjestad, 7 di juni 2021

COLAUA: 2020/2021-375

Topico: Informacion tocante e ciere di aña escolar.

Apreciabel mayor/ cuidado, alumno,

Awe a cuminsa un siman emocionante. E prome resultadonan di examen ta bira conoci. Otro siman ta cuminsa e examennan di periodo 2. Pa medio di e carta aki mi ta informa bo tocante e acontecimentonan pa e ultimo periodo di e aña escolar aki.

Tapaboca na scol

Durante e conferencia di prensa a bira conoci cu desde diaranson en adelante e uzo di tapaboca no ta obligatorio mas na Aruba. Ta conseha si pa keda uza esaki si no tin distanciamento di 1.5 meter. Sinembargo, tin lugar cu por existi pa bisti tapaboca. E obligacion di uzo di tapaboca, manera cu e ta awor, ta keda vigente mas tanto posibel.

Esnan di 18 aña bay ariba por tuma vacuna boluntariamente y lo goza di proteccion contra coronavirus. Mayoría di nos alumnonan ta bou di 18 aña y no por tuma vacuna. Pa e motibo aki nos como scol tin e responsabilidad pa brinda nos alumnonan proteccion. Den e lokalnan no tin posibilidad cu e alumnonan ta 1.5m distancia di otro. Tambe pafo e alumnonan ta sinta hopi biaha pega cu otro.

P'ese y nos a tuma e siguiente decision:

- den e lokalnan e uzo di tapaboca ta obligatorio;
- durante comemento y bebemento por kita e tapaboca;
- pafo, riba un distancia di 1.5m di otro, por kita e tapaboca.

Otro siman ta cuminsa cu examen di periodo 2 (y ultimo siman di CP). Nos kier preveni cu e alumnonan ta bira malo.

Inzage CSE riba 9 di juni

Diaranson 9 di juni tin *inzage* di examen. Esaki ta cuminsa 3.00pm. Tur e candidatonan di examen por mira maximo dos examen. E *inzage* aki ta tuma lugar segun un rooster, unda cada bes 10 alumno por ta presente den e lokal. E candidatonan di examen tin te 8 di juni, 10.00am pa inscribi via Magister. Tur esnan cu a inscribi nan mes ta haya un mensahe tocante e procedura di *inzage*, e lokal den cual ta spera e alumno y e orario.

10 juni uitslag examen tijdvak 1

Diahuebs awo, 2am, e normanan cu cual ta rek e cifranan di examen ta dreña. Na e momento ey e team ta cuminsa traha di biaha pa asina tin e resultadonan provisional cla. Durante dia lo tin e resultado definitivo y despues di esey, cuminsando 3pm lo tin un *drive-thru* riba e tereno di scol pa e alumnonan cu a gradua. A manda un mail tocante e orden di cada klas caba na cada alumno. Pa hopi alumno, diahuebs awo ta un dia hopi excitante. Nos ta spera un bunita resultado.

Inscripcion pa herkansing periodo 2

A comparti e informacion aki cada, pero ta bon pa ripití. E alumnonan tin chens te 8 di juni, 6pm pa inscribi pa herkansing. Esaki ta sosode via Magister. E alumnonan cu ta haci examen den e materia pa prome biaha, no mester inscribi. Esaki no ta un herkansing pa nan. Solamente si ta haci e materia un biaha mas, mester inscribi. Si resulta cu despues cu e normanan y e resultado ta conoci, e alumno kier cambia di materia, e por haci esaki door di manda un mail na conector Noel. E alumnonan cu dicidi cu nan no ta haci herkansing tambe mester manda un mail na e conector. Si bo no haci esaki y bo no ta presenta, bo ta core e risico di perde chens di herkansing.

CSE riba 25 di juni

Dia 25 di juni, dia di eleccion di parlamento Arubano, tin dos examen ta tuma lugar. Door cu e examennan aki ta mara na esun di Hulanda, no por hala e fecha. Pa Havo tin examen di Engels y pa Vwo ta Frans. Tur dos examen ta cuminsa 7.30am y ta warda e candidatonan na scol manera custumber, 7.15am.

Entrega di diploma

Entrega di diploma ta tuma lugar dia 7 y 8 di juli, na Renaissance Convention Center. Dia 7 di juli ta na turno: V6A-V6B-V6C-H5A-H5B-H5C-H5D y dia 8 di juli ta turno pa e klasnan H5E-H5F-H5G-H5H-H5I-H5J-H5K.

Benta di carchi, na balor di afls 15.00, pa e evento aki ta tuma lugar dia 5 di juli, entre 11.30 y 2.30pm den e hal di Colegio Arubano.

Riba **dialuna 12 juli 2021** vakantie ta cuminsa oficialmente.

Entre awor y e fecha ey ta hopi mester sosode ainda. A keda sin menciona entrega di buki. Pa esaki, ta haya un carta apart di boekenfonds. Tambe lo manda con e procedura di periodo 3 den un siguiente carta na esnan concerni.

Na number di e docentenan y rectorado, mi ta desea un y tur hopi éxito den e periodo benidero. Un poco mas esfuerso y nos lo cera e aña escolar aki na un manera positivo.

Saludo cordial,
na number di rectorado,



T.R. Croes M Ed
Rector